



Lëtzebuenger Guiden a Scouten

13.03.2020

Léif Cheftainen a Chef,

Dir krut vun eis d'Recommandatioun, wéinst dem Coronavirus all Guiden- a Scoutsaktivitéite fir de Moment ofzesoen. Hei ass awer d'Iddi, wéi mir eis als Guiden a Scouten an dësen Zäiten nätzlech maache kënnen:

Op där enger Säit ginn et lo vill ufälleg Leit, virun allem am héijen Alter, déi sech net méi virun d'Dier trauen, net mol fir akafen ze goen, an awer keng Famill hu fir ze hëllefen.

Op där anerer Säit hu mir lo honnerte vu Guiden a Scouten déi zwou Woche laang keng Schoul a keng Guiden- a Scoutsaktivitéiten hunn. Dës Jonk sinn awer weder krank nach a Quarantaine, si däerfe virun d'Dier.

Eis Avex, CaraPio a RaRo kënnen sech ubidde fir an hierer Ëmgéigend deenen ufällege Leit ze hëllefen a fir si kleng Kommissiounen erleedegen: akafe goen, Medikamenter an der Apdikt besueren, asw.

Mir sinn an der aussergewöhnlecher Situatioun vun enger Pandemie an déi erfuerdert aussergewöhnlech Moosnamen an dozou gehéieren d'Solidaritéit an d'Mënschlechkeet. Mir schreiwen eis sou gär op de Fändel dass mir sou vill BAE maachen, lo ass de Moment dat wierklech ëmzesetzen!

Wann dir mat ärer Unitéit wëllt an deem Sënn aktiv ginn, fannt dir bei dësem Bréif en Dokument mat weideren Erklärungen.

A lass !

de Verbandscomité

PS : bei weidere Froe kënnt dir iech gär op david.heck@lgs.lu mellen

Lëtzebuenger Guiden a Scouten
Verbandscomité

5, rue Munchen Tesch – L-2173 Luxembourg
lgs.lu - Email : comite@lgs.lu



E grouse Merci un eis Sponsoren

lalux[®]

VOYAGES
VANDIVINIT
Reizen mat Stil

BIL
BANQUE
INTERNATIONALE
A LUXEMBOURG
1888